



## **Universitätsbibliothek Paderborn**

### **Opvs De Ivdiciis Divinis, Qvae Devs In Hoc Mvndo Exercet**

Accessit index concionatorius in omnes totius anni dies Dominicos & Festos, ab ipso Auctore confectus

**Stengel, Georg**

**Ingolstadii, 1651**

18. Feminæ alium virum nescientis, duplex & rarum exemplum.

**urn:nbn:de:hbz:466:1-45686**

dula res est zelotypia, & tam in iniurias, quam in vindictas justas prona. Aliud est suspicari, aliud periclitari. In claris periculis, tutissimum est vxori maritus asylum; ad quod sapienter matrona Mediolanensis procum rei sciendo confugit; vti & Lacæna.

Accuratæ quoque fidei argumentum est, quod idem Plutarchus narrat. Hieron Syracusanus tyrannus ex inimico audinit primùm, sibi fatere animam. Quamobrem commotior ad uxorem, inquit, cur non commonisti? At illa, ut quæ modesta foret, puraq; Quoniam, inquit, ita viris omnibus os olere opinabar. Quam paucæ fæminaæ in hac sunt ignorantia, & opinione? nimirum experientiâ aliud doctæ, quod nescirent, si viris suis fideles essent. Sed necesse est, earum perfidiâ, fidem castarum commendari; quæ transgressæ non sunt, cum transgredi potuerunt; egregie quæ docent, quantum sit matrimonij bonum, fides marito servata; dum adulteræ ostendunt, quantum sit matrimonij malum fides violata. Vræque ergo in exemplum proponuntur; sicut olim Caia Cæcilia Tarquinij Prisci regis Rom. vxor, singularis modestiæ, probitatis, & industriæ femina, Lanificij peritissima, quæ velut idea veræ matriæ familias habita fuit. Et ideo institutum est, ut nouæ nuptæ, ante januam mariti interrogatæ, quanam vocarentur, Caiam esse se dicerent C. Tityj, plurimæque velleat Caiæ nominari.

Talem qui natus est coniugem, meritò pluris etiam hoc nomine, estimat, quia videt se, inter multas sequiores, fidelis, hoc est, rem raram acquisuisse. De qua Sapiens ait: Sit tibi uxor, sicut ceruacharissima, & gratissimus hinnulus. Est enim amor cerui ac ceruæ singularis. Velocissimi sunt ad invicem opitulandum. Castè, & non nisi secretò congregiuntur. Post conceptum, congressu abstinent. Felle carent: quo pacto olim, in connubijs, Iunoni pronubæ sacrificantes fel eximebant & abijciebant, ad charitatem coniugum significandam, vt scribit Plutarchus. Interim ceruæ mari suo fidæ sunt. Nam, vt Nemesianus canit: Cerua marem sequitur. Ceruus autem pro compare sua acerrimè duellat. Tale est coniugium fidorum;

Ddd 3

Valer. Max.  
lib. 10.

## XIX.

Prou. 5. 12.

1420